



093.1	年
2000	月
1	日

佛教大学図書館

0013056840





選擇傳弘決疑鈔卷第一并序



沙門良忠記

夫宗圓通者稱佛之行廢遺方域者徃生之義乖雄
 猛世尊乘時利見馬鳴大士契道宣聞尚設西方寄
 諸群品况時屬澆季人稀知機領會之賓千無一二
 至如未階捫為各陳乳色言無心有何關真空古先
 梵皇憐斯倒惑導以淨土之一門濟以念佛之一行
 方今正雜俱生兮選勸正行助正兼行兮適尚稱名
 蓋是法藏比丘於一子地五劫盡思十念萌因之故
 也加之三輩雖異專念弥陀一念雖微普得大利法
 滅霧晴而得度既實佛光雲卷而照益不空三心具

備無行不獲專修相續畢命為期依之潮音徧讚蹉
跢暮羈色情秀濃艷時佛使慶喜弘名號人持大善
信覺辭十方如來賂金言於六字孤獨教主付王章
於三明真宗之幽遠不可得而稱者歟昔善導大師
降生晨旦高耀皓月証敷玄風咨覆貫於道綽決絕
維於聖僧袪愆蘊義織經緯而綴文改古作今糾器
朴而勤聖寔如覺王勸化之緇袂迷徒誘引之遺範
也然智證入唐時聖教將來際超彼遼海眇漫之浪
傳此淨機純熟之州以際特運未臻經三百載爰源
空上人誕應和國志學攀登叡峯二九隱居黑谷自
十五化

亦永離名利便赴菩提於戲五千三百之恢弘也卷
舒積年南三北七之著聞也鑽仰累日智行稍闡數
感靈相清風朗月何此天機雖誦三藏以和尚為師
宗雖詣一代以西方為歸趣終以自製之念佛集授
之於辨阿上人上人敬承如水傳器深相器異誓以
傳燈始則遊玉泉而修三觀之丹檝後則詣吉水而
作九品之棟梁弟子恭稟先師面會之芳談雖守上
人口決之素意乘戒不急心行難調最後斷種之歎
造次顛沛未休談話之次賓客勸云若不染翰匹納
心府且示一隅早叩三端此公特授精靈歸心正法

家雖繼脂兵車之跡身猶訪臧法船之路因而有請
焉予羊心易迷鳩艱難變庸戈之身深慙此請非文
非義是掘是愚然而幸順來命愁以書之號曰選擇
傳弘決疑鈔傳者傳於先師也弘者弘遺弟也決疑
魚僅切也 謹也 剛也 僅也 幸以律以假立賓主粗解疑開鈔者抽于集文題之筆點是故
惟也 逐也 述也摠言傳弘決疑鈔也庶幾百世萬代克起勿行別火
思矣屆西剎焉時也建長六年仲秋上旬始添露點
漸作草篇云尔

選擇本願念佛集事

問此之題額其意如何答傳云於此題中且有二義

遂成一意一者念佛二本願念佛三選擇本願念佛
也初言念佛者萬行隨一念佛是當諸師所立念佛
之義未分別正雜助正故以言本願念佛者於萬行
中分別正雜於正行中細判助正其正業者稱名念
佛順弥陀本願故故止雜行專行念佛是當今家所
立念佛之義後言選擇本願念佛者於本願義之上
更加選擇一義是祖師上人依大阿弥陀經而始立
此義也所謂其本願者自二百一十億諸佛願行之
中所選擇之本願也終成一意者然今此集中非備
存三義三義相成唯為一義念佛非直念佛即是本

願念佛本願念佛非直本願念佛即是選擇本願念佛也凡念佛者或觀或稱或摠或別俱是念佛恐此濫故言本願念佛耳私謂大師本願祖師選擇辭異義同云脚本願念佛者出在經文諸師豈不知本願之義耶答本願之文雖出經說而見別故辭義非一謂諸師就念佛諸行中不分明判願非願差故所立念佛萬行隨願一也綽感二師念佛勝故別立一行餘行芬故惣判萬行今家獨驗本願誠文選以念佛立正定業如是諸師種種異解豈非見別有立不立如二教論云諸經論中徃徃有斯義雖然文隨執見

隱義遂機根現而已譬如天鬼見別人鳥明闇上問文中備有八種選擇題下選擇可通八義然今何存本願一義耶答作者所傳何強致疑既云選擇本願何通餘義耶但至難者餘七種義本願為源舉本攝末耳

南無阿彌陀佛徃生之業念佛為先事

開始置此字有何要耶答傳云是顯題下念佛及以文中所勸念佛俱是口稱斯乃簡異觀念表知口稱全身見也聞題後文前置此字有其例耶答鸞師讚阿彌陀佛偈如今亦云南無阿彌陀佛薩婆尼捷子

經文首亦云歸命大毗盧遮那正法念經亦云歸命一切諸佛菩薩其例非一問念佛為先者對何後耶答言為先者非文前後往生行中念佛最要故云為先如彼律生要集中云念佛為本故廣本云念佛為本

第一聖道淨土二門篇事

問此集一部有十六篇各有生起耶答可有生起且第一門是此宗教相也而諸宗中先知能詮教相門戶然後修行所詮出離要路是故判教半滿淺深源起自大聖之金言謂三照五味之喻兩字八藏之說

是也逮至滅後分別彌盛印度小乘二十部大乘性相且千也晨且南三北七義成百家日本八宗九宗振古傳來皆判教旨為先今亦如是初第一篇是判教大綱後十五篇即起行綱目也十五篇中初之一篇觀經疏文也次四篇者無量壽經文次六篇中除四修外自餘五段是觀經文後四篇彌陀經文也此等次第雖是大任經文前後而亦一一篇目非無生起謂置第二篇者若知教相以可知行相故次二門明知二行也若知正業可知其由故明本願若知本願可知眾機通行故明三輩若知其機可知其利故

明利益。若知行利。可知行時。故明止住百歲也。若知
遷代益。可知攝取益。故明光明不捨。若知佛三緣。可
知行。若三心。故明三心。若知安心。可知作業。故明四
修。若知修行。可知感果。故明化讚。若知化讚。可知釋
迦所讚。故明其讚歎。若知佛讚。可知付囑流通。故明
其付囑。定散兩門中。特付囑佛名。佛名即是多善根。
故次彼付囑。明此多善。若知多善。可知證誠不虛。故
明其證。若知諸佛證誠。可知諸佛護念。故明其護念。
義。若知護念。可知懇歎付囑。故明其付囑也。問篇目
次第。只任經文前後。此外何恣存其生起。答。雖依文

次。而有其由。故第二篇立二行。第九篇立四修。生起
分明。自餘諸篇。豈無生起。或復大依引文前後。非一
一可有生起。問禮讚中。明三心五念四修。以為專修
之安心起行作業。又法事讚云。三心五念畢命為期。
正助四修。刹那無間。上而今何除五念。唯引三心四
修。答。第二篇明五種正行。此與五念雖開合異。而行
相同。故讓彼文不重引歎。問後十五篇。皆導師所釋。
何唯第一段獨依道綽義也。答。聖道淨土之名目分
明。在安樂集。故就明文而引之也。導師所釋。雖有義
分。而無名目。故不引之。問此集與道綽不發三昧。故

不依之然今何引用之答道綽者善導師何言一向
不用之乎若有少分師資相違且用導師何全非之
開二門得名其義如何答傳云從凡至聖名為聖道
從穢至淨稱曰淨土俱名門者出入義也謂出火宅
入涅槃故也問聖淨二門人師義立難易二道是正
論文故鸞大師就於二道以判教相况如斯立教約
化道始終而所決判也是故安樂集云大聖三車招
慰且羊鹿之運權息未達佛訶邪執鄣上菩提縱後
迴向仍名迂迴若任攀大車亦是一途私云此舉一
代所說難行
也道只恐現居退位嶮徑遙長自德未立難可昇進佛

此明易行教
興之由也次借難易二道之喻在五濁世求不退
是譬難行道以信佛因緣往生淨土入大乘正定聚
是譬易行道也既是一代始終佛教大道故以此文
可屬篇目况復今所引二門者彼集立十二大門中
第三大門有四番中第三亦有五番中第五文段也
難易二道彼第三門一番所判法文也若亦者聖道
淨土二門重重末科何捨本取末為一宗教相耶鸞
師同存此旨師資一同何以不為一宗教相答傳云
難易二道亦為一宗教相是以下文同引彼文但所
以二門為篇目者聖道淨土名言親躋義相猶顯故

也私謂聖道淨土之名諸宗共許不可拒諍難易二
 行之言漸教雖許頓教難定故以共許名言為今篇
 目難易二道本論文幽謂彼易行但言不退不云往
 生故諸人師或屬往生或屬別益其義至下當辨問
 二門同顯佛性何捨一門取一門也答取捨者用否
 意也所以用此之時取此捨彼用彼時取彼捨此今
 任集意對末法機捨聖道門取淨土門也故集下云
 願生淨土隨壽長登下形即至位階初住位不退與
 此修道一萬劫齊功諸佛子等何不思量不捨難求
 易也

問曰一切眾生皆有佛性等事

文中有一明二門出離二其聖道下望末法機片
 聖道勸淨土初中有二先門次答答中亦一一初至
 火宅正答初問二何者下判二門難易以斥聖道勸
 淨土矣問此問何意答一切眾生內有佛性外遇諸
 佛內外因緣彼此和合應當作佛何至于今久在生
 死故致此問也皆有佛性者涅槃經云一切眾生悉
 有佛性如來常住無有變易又云凡有心者皆當作
 佛此應值多佛者眾生設具佛性若不值佛不可顯
 此理而眾生無始流轉三道諸佛無始示現八相設

雖人身佛教希有何不值佛聞法也若值佛聞法者云何不顯本有佛性久久流轉三界六道大悲滿足之如來難化能化之諸佛繼踵唱覺吾等障重未預開化難問之意深慙愧耳輪迴生死者別指分段生死文云輪迴亦云火宅故言火宅者如法華經云三界無安猶如火宅眾苦充滿甚可怖畏上卷曰俗大乘聖教等者問此答意者為許一切眾生中有不值佛者若許者生死無始輪迴已久而於其中誰無見佛聞法之緣若不許者眾生無數種類非一何妨亦有不值佛者文云不得二種勝法既云不得測知應

許不值佛者答案此答意即許應值多佛之間不反詰故理極成故謂生死無始故設眾生雖多一一皆有狀苦之心佛性內薰佛出外多故知眾生皆應值佛但於值佛有結緣眾有當機眾今無當機現益之者以爲不得摠而論之一切眾生皆應值佛故妙樂云眾生無始恒居三道於中誰無一毫種類已又大師云即自思念我身無際以來共他同時發願斷惡行菩薩道他盡不惜身命行道進位因圓果熟證聖者踰於大地微塵然我等凡夫乃至今日虛然流浪煩惱惡障轉轉增多福惠微微若對重昏之臨明鏡

也忽思忖此事不勝心驚悲歎者哉此我等昔日發心修行乍具恒沙宿善妙因愚惜身命虛受辛苦得脫無期只由惜身命矣問何置能別之言云依大乘也答傳云立二門者偏大乘意也小乘不明淨土故今為立二門別云大乘也有云小乘不論佛性今既顯佛性之二門故別云大乘也問良由已下十二字文點如何答傳云自死字如次至排不由可讀也排拂也有云自法字如次至得不由可讀也排開也讀異意一也其聖道一種等者正望末法斥聖道勸淨土中三一斥二勸三寄無聖道現證以勸淨土初中

二一道理二文證理中有二由一斥時去聖遙遠是也釋迦去世經一千五百餘歲大小聖人皆從滅沒誰人示津是故難證二斥機理深解微是也謂人法二空其理甚深見濁增機其解微劣何輒得悟是故難證如地燈論云難證有四種一解微難證非聞惠境界故二難見難證非思慧境界故三離念難証非世間修惠境界故四非心地難證非報生善得修道智境界故此乃示現三界心心數法分別世間修道智非境界故是誰境界實智境界何非餘境以出世間無漏法非世間有漏智境界故其聖道門今

時難證據此等義也。凡佛法修行必量時機。若違時
機即失法利。故安樂集引正法念經云：行者一心求
道時常當觀察時方便。若不得時無方便是名為失
不名利何者如攢濕木以求火火不可得悲時故若
折乾薪以覓火火不可得無智故比一由去六聖遙
遠者問去聖遙遠二門是同如何偏為聖道難證之
由也。答聖道難行故末法彌難證淨土易行故末法
猶易往也是故滅後遙遠之旨二門雖同而依時分
難證之義其失專在聖道一門也。問上世未必賢末
代未必愚至如大獲白玉於青山得玄珠於赤水成

王豈可不勝於文武也。遂便隋朝智者破梁光宅唐
代遍覽片陳真諦乃至其例不可外求。攝論渡漢土
已來百有餘年人皆依別時意文廢西方行後善道
懷感出世撰疏製論破之會之念佛興行于今強盛
也何依時分強論甚不答於如來滅後有正像末三
時謂有教行證名正法有教行無證名像法有教無
行證名末法末法之中無證明矣。約三時是大分
義若約人機其證非無而今就多分機宜簡末世時
也但世之埋亂人之賢愚雖暫興行終是凌遲况出
世之理無漏之道日日衰減觸目皆是也。二由理深

辭微者問聖道理深者即以淨土為屬淺近若尔念
佛即是終窮之極談他力之妙術也是佛法中最何
為淺近答證理之道二空為先若依此義聖道甚深
若據濟凡秘術淨土為深謂佛願難思濟凡異他何
言淺近傳云此有一往再往之二義言一往者念佛
淺行而普化機故勸念佛言再往者念佛深行故普
化一切五逆謗法乘佛願故皆得往生化其極惡唯
佛覺果故玄義云佛密意弘深教門難曉三賢十聖
佛惻所闢此故知此法果分極理例如般若二空之
理以為第四藏揔持之滅罪以為第五藏也

二文證中我末法時中億億眾生等者問起行修道
未有一人得者之義何不且淨土耶又彼經無此文
如何答此取意文謂月藏分第九云於我滅度後五
百年中諸比丘眾猶於我法解脫堅固後五百年我
之正法禪定三昧得住堅固後五百年讀誦多聞得
住堅固後五百年於我法中多造塔寺得住堅固後
五百年於我法中鬪諍言議白法隱沒損減堅固比
五五百年中戒定惠學在於前三然證聖道不出三學
末法無證其義明焉淨土出離既通法滅百歲之時
何云未有一人得者故次引淨土經證當今利益也

又月藏分第六護持云何者名為末法世時謂讀誦人無不依於波羅提木叉道中行若不坐禪則不能得於三摩提乃至不得第四之果乃至不得寂滅三昧是則名為末法世時此當今末法等者指經云我末法即釋當今末法若約此意可屬上文又為顯淨土門化末法機即云當今末法若約此意可屬下文斯乃釋尊鑒未來而記聖道之難證道綽曲考時代而勸淨土之易往也正屬文者釋上經文問法華經云於末法中欲說是經等唯識義引善見論云末法之中有懷子法師國王聞此法師言證聖果又引律

云末法之中有佛弟子亦時國王遇一比丘發心受戒證果比丘亦證聖果此等說末法中有聖道利益豈非與今相違乎答今約多分更所不遮末法之中少分亦有聖道利益也當今末法者於佛滅後明正像末即有多說一一正法五百年像法一千年依月藏分等二云正法千年像法五百年依悲華經三云正像各千年末法萬年如大悲經群疑論四云正像各五百年如大乘三聚懺悔經具如文記今以此三時配此土時代即有七說且出兩說一法上師等依周異記云佛當周第五主穆王滿五十一年壬

申入滅若依此說從彼壬申至道綽入滅唐太宗貞觀十九年乙巳凡歷一千五百九十四年然綽公特年八十四遷化計入末法十一年云誕生賈長房依魯二春秋云佛當周第二十主經王珽四年壬子入滅若依此說從彼壬子至貞觀十九年九歷一千二百九十三年若依此說道綽在世猶在像法也是故天竺聖教中依月藏經等云正法五百年晨旦書籍中依周異記云壬申入滅說道綽在世當末法也二勸淨土中初唯有等者標淨土易入次是故下直引文證所以略理證者教證之中兼有其理本願化惡

人故謂今時眾生三學無分無聖道證淨土不亦雖無三學乘佛力故猶得出離如迦戈云若自知有定惠分者即於此方修道求無上道若自知無定惠分者則須修淨土門就淨土中求無上菩提此大經云者正雖引第十八本願而兼觀經下品生意兩經十念同本願故斯乃約造惡機顯念佛力用也三又復下寄無現證勸淨土中初明聖道出離當時無人次是以下正明對造惡機苦勵往生也初文若據大乘等者聖道門中有大小乘其中大乘以證真如實相妙理而為所期然其理甚深措心猶難况證悟易真

聖道之後釋其難得之相也。答人天果報雖非出離而舉有漏善果猶難况顯無漏勝道不易也。五戒十善浮囊易破六欲四州果報難受當來之報非惡者何何故毀戒五濁極增起惡恒現譬如兩脚造罪猛利譬如暴風以是因緣故毀破戒品也。曾未措心解不堪大乘未有一分解不堪小其乘持得甚希解不堪人天若論已下解今機當躰次是以下正勸往生中縱使一形造惡等者問既是一形造罪凡夫如何專精但能擊意常能念佛也。答凡夫人由貪嗔以造罪由淨心而念佛念佛造罪雖五間雜而由意樂

隨犯隨懺佛願力故罪障自滅終感佛迎也。問穢土人天獨以善生淨土妙處造惡何生依之韋提夫人恐有餘憊障不得往善導大師制捨諸惡我亦如是設雖念佛數起罪惡何得往生。答上品下生猶許其人善心數退惡法數起况於中下六品人耶。但至止惡道理者二門同存此旨然聖道門除其惑障顯實理故其障難晴隨教教談或送三生六十之時節若積四生百劫之行業然今教意本自起惡造罪凡夫雖存諸惡莫作之理而數忘數退深可慚愧。就如是機彌馮他力本願就如是機彌信自身罪惡常能念

佛期臨終暮即現其人前誓願不虛必坐華臺也問
今文同上所引縱令一生造惡文然彼文既云臨命
終時十念相續此約臨終今文即云常能念佛常言
所顯定是平生前後相遠其義何會答彼文即引第
十八願若亦彼文不必局臨終十念乃至言中上盡
一形無闕平生念佛同收釋家探願意約平生之行
者釋常能念佛也問誰知今釋迴心已後宜常能念
佛迴心已前云一形造惡答凡夫之習善惡二心交
雜不定前念造惡後念念佛前念念佛後念作惡而
付道理忍惡勵善薰習熟利成往業時惡業漸漸微

薄念佛漸漸增長一虛一實之道理終滅惡業生淨
土也但若起於罪無過之思縱雖念佛不可往生是
邪見故祖師云十惡五逆尚信得往生不犯小罪惡
人猶生况善人哉云

私云竊計等事

私斷簡中大分為二一初至疑端分別諸教立宗不
同二諸宗立教下正釋淨土宗二門教相初中有二
一引餘宗教相二今此下標今宗教相一引余宗中
有相宗立三時教者以法相宗名有相宗談空識非
無故三時教者解深密經中勝義生菩薩領解釋迦

說法明於三時一有教亦名入空法有教二空教亦名

人法皆空教此攝諸部般若教三中道教亦名非有非空教此攝深密華嚴法華華經也

相宗立二教者以三論宗名無相宗談勝義皆空故

二藏在文即大小二乘異名也又嘉祥立三法輪一

根本法輪花嚴二枝末法輪阿含三攝末歸本法法輪法華

華嚴宗立五教者一小乘教謂諸部小乘經論二大

乘始教謂深密等經瑜伽等論三大乘終教謂般若

經等起信寶性論等四大乘頓教謂大乘經中頓悟

法門五大乘圓教此中有二一別教二圓教山王院

乃三律師

諸家教相集云東大寺律師云別教攝華嚴本會圓

教攝華嚴未會并法華也此先師明王院云華嚴法

華各明二教但華嚴多明別教少明圓教法華多說

圓教少說別教云法華宗立四教五味者四教化法

五味化儀也所謂藏等是所說法門淺深也乳味等

是說四教之五特儀式也言五味者一華嚴如乳味

兼別二阿含如酪味但三三方等如生蘇味對藏通

四般若如熟蘇味帶通五法華如醍醐味純又涅槃

如醍醐味具說真言宗立二教者諸家教相集云慈

覺大師依龍猛釋論立二種教一顯示教攝一切顯教法門二秘密教攝一切秘密教法又演義抄

立顯密二教彼書者大興善寺源清阿闍梨面受善
無畏三藏造彼阿闍梨覺大師師也此二標今宗教
相中初標二門次問答宗名問中八宗等者本朝所
弘限八九宗是故今弘淨土宗時愚者致此難故舉
而會之長且諸宗不限八九南三北七判教非一所
謂虎丘山笈法師立三教一頓教嚴二漸教此亦有
三一有相教十二年前明三二無相教十二年後至
得三雙林常住教明衆生佛性三不定教勝鬘金光
經宋愛法師立三教一頓教嚴二漸教四三不定前
漸教四時者一有相教向會十二年前二無相教二十

年後方三同歸教法華四常住教涅槃定林承以二師及
道場觀法師立三教一頓教嚴二漸教五三不定教
勝鬘漸教五時者一有相教前二無相教前三褒貶
抑揚教淨名思益四同歸教前五常住教前已前三
師是南三義也又南北通用三教一頓嚴二漸教有
三一有相教十二年半字教三不定教勝鬘金北地
師立五時一人天教經等二無相教淨名般三四五
同南方喜提流支三藏立二教一半字教十二年前二滿
字教十二年後又約教理根證同異判一代佛教也佛
陀三藏學士光統立四宗一因緣宗毘曇六二假名

宗成實三誑相宗大品大論不四常住宗涅槃花嚴

本有湛然真護身法師開五宗前四宗如上五法界常住佛性

宗華嚴者閣法師開六宗前四宗如上五真法華善同歸六

圖宗大集經染淨俱北地師明二種大乘教一有相

大乘華嚴瓔珞二無相大乘楞伽思北地師非四宗

五宗六宗二教半滿等教而立一音教也天台玄又

諸家教相同異集中標二十五家之教相二正明二

門相中二一初至諸論是也辨二門相此釋本文一

往生淨二凡此集下偏勸淨土此釋本文其初中亦

二一明聖道二明淨土聖道中二一辨大小乘二凡

此下辨大意初文中一者大乘二者小乘者開問則

言皆有佛性答則申依大乘聖教故知二門唯局大

乘何立小乘也答今案集意此土入聖揔名聖道他

力往生則名淨土何聖道中不攝小乘况聖道名豈

隔小乘故下文云若論小乘但皆有佛性者佛教之

中雖有小乘法終歸大乘是故無違依大乘者為立

二門偏言大乘非嫌小乘謂大乘勝故明淨土小乘

劣故不明淨土今此集意唯存顯大及權大者彼集

中非判顯密權實旨只是據真言天台意辨安樂集

說也所謂真言談顯教三劫成佛密教即身成佛故

菩提心論云惟真言法中即身成佛故是說三摩地
法於諸教中闕而不書上即身成佛義云諸教同云
三劫成佛唯真言法中即身成佛上天台判三權歷
劫修行一實速疾頓證故彼宗云歷劫之說在別通
藏即成之談元出圓經上真言顯屬長天台權言長
其義明矣此乃祖師本兩宗學者故以吾家教相判
釋彼集所說耳問何以得知彼聖道門唯存顯大權
大不在密大實大凡立二門攝一代時何除密實不
屬聖道乎又彼若除者何故下言唯之應存而追攝
入哉集在唯在顯大權大等者非謂彼集不攝實密且

以不拒難證之語歷劫之教為難證本先舉之也唯
知顯權彼集意亦應存實密今特難證故以拒難證
語實密而言唯之應存此乃難證之義顯權偏強故
先舉之實密雖是非歷劫教同聖道門故次舉之只
是教之長短異故各別舉之全非私攝但唯存者難
證之義顯權強故相從強邊置唯言也問實大密大
俱談頓極同明頓證即身成佛之教寧屬今特難證
之門若教談速疾機有堪不當機速證結緣去聖遙
遠理深解微故經劫而今時機三學絕心十惡盛身
輒證理者無有是處至如裹珠送塵劫忘父迷貧里

者蓋是機失非關教難今難證義亦復如是

迂迴有二義事

迂迴者即有二義一者從小入大名為迂迴如常所明二者歷劫之義不必從小入大之義望於疾成直道以送劫義皆名迂迴如無量義說不知菩提大直道故行於險逕多留難故至於諸眾生大利益故行大直道無留難故比問真言教法隋時未有道綽所立聖道門中何攝唐代真言乎答弘教人師驗法淺深分別教相縱雖未譯何不攝旨如隋天台立藏等四教而收衆典故後代所譯大日頂王維獨廣修決

方等部慈覺智證判一大圓教今亦如是二門指歸該括大恢何緣不籠密教旨祖師得理以屬聖道於義何失准上思之者準上以真言等八家攝大乘聖道今舉小乘三宗攝小乘聖道故廣本云准大思之問凡律宗者智首南山寺立之彼等師旨大乘學者也故立圓教盛談大乘極理何屬小乘故諸家教相云律宗恐以大小二部戒本并諸律法門而為所依耳比何屬小乘答四分十誦為律宗本故從其本屬小不遮梵網等大戒亦通於律宗也二辨大意中修四乘道得四乘果者若依三論法相者立三乘教佛與菩薩合

為菩薩因果別故三車宗故若依真言天台華嚴立
四乘故佛及菩薩各有因果謂權因果名為菩薩若
實因果俱名為佛如天台云三教佛果屬菩薩果圓
教菩薩即屬佛界祖師本天台故處處釋多順彼宗
也已上釋本文一謂聖道說一次往生下明淨土中二一明正依
經二明傍依經真辨往生故名為正依因明往生故
名為傍依傍依經論中明往生者華嚴經云又放光
明名見佛彼光覺悟命終者念佛三昧必見佛命終
之後生佛前云云又云願我臨欲命終時等法華云若
有女人聞是經典亦說修行於此命終即往安樂世

界阿彌陀佛所生蓮華中寶座之上隨求陀羅尼經
云淨土因行不退轉決定往生上上品生生值遇盧
遮佛世世授受不忘念尊勝陀羅尼經云每日二十
一返誦之往生阿彌陀佛國起信論云若人專念西
方極樂世界所修善根迴向願求生彼世界即得往
生寶性論云依此諸功德願於命終時得見阿彌陀佛
無邊功德身我及餘信者既見彼佛已願得離垢眼
證無上菩提十住毗婆娑論文如下所引攝論云眾
寶果如覺德業我說句義所生善因此願悉見阿彌陀
內得淨眼成正覺已上釋本文二上二凡此集下偏

勸淨土中四一標本文意二此宗下別例三淨土宗
 下正勸歸淨土門四問曰下因明宗相承二引例中
 難易二道者論第四阿惟越致相品云菩薩有二種
 一惟越致二阿惟越致阿惟越致相者等心於眾生
 不嫉他利益乃至失身命不說法師過信樂深妙法
 不貪於恭敬具足此五法是阿惟越致廣說乃至具
 足此五法者如上所說於阿耨菩提不退轉懈廢是
 名阿惟越致與此相違名惟越致此有二種或敗壞
 者或漸漸轉進敗壞者若無有志幹好樂下劣法甚
 著名利養其心不端直悛護於他家不信樂空法但

貴所言說是名敗壞相志幹者若有人能修集善法
 除滅惡法於此事中有力名為志幹雖復身若天王
 光如日月若不能修集善法除滅惡法名為無志幹
 也雖復身色醜陋形如餓鬼能修善除惡乃名有志
 幹耳下劣法者除佛乘已下餘乘比於佛乘少劣不
 如故名為下其餘惡事亦名為下二乘所得於為佛
 下耳且出世門入無餘涅槃故不名為惡是故若人
 遠離佛乘信樂二乘是為樂下法復次下名惡事所
 謂五欲又斷常等六十二見外道論義一切增長生
 死是下法甚著名利者於布施財利供養稱讚事中

深心繫念善為方便不得清淨法味故貪樂此事心
不端直者其性詭曲喜行欺誑怯護他家者是人隨
所入家見有餘人得利養恭敬讚歎即生嫉妬憂愁
不悅心不清淨計我深故貪著利養生嫉妬心嫌恨
檀越不信樂空法者諸佛三種說空法門所謂三解
脫門於此空法不信不樂不以為貴心不通達故但
貴所言說者但樂言辭不能如說修行但有口說不
能信樂諸法得其趣味是名敗壞相漸漸轉進者漸
漸精進後得阿惟越致今可解說菩薩不得戒亦不
得眾生分別說法亦不得菩提不以相見佛以此

五功德得名大菩薩成阿惟越致乃至廣說略上上
來諸文十信惟越致菩薩有退者名敗壞具足不得
我等五法則入初住不退轉位下易行品名難行道
故易行品初問起曰是阿惟越致菩薩初事如先說
至阿惟越致地者行諸難行久乃可得或隨聲聞辟
支佛地若余者是大衰患如助道法中說若傳聲聞
地辟支佛地是名菩薩死則失一切利若墮於地獄
不生如是畏若墮二乘地則為大怖畏墮於地獄中
畢竟得至佛若墮二乘地畢竟遮佛道是故若諸佛
所說有易行疾得至阿惟越致地方便者願為說之

卷一
二五
答曰如汝所說是憊弱怯劣無有大心非是丈夫志
誇之言也何以故若人發願欲求阿耨菩提未得阿
惟越致於此中間不惜身命晝夜精進如救頭燃如
助道中說菩薩未得至阿惟越致地應常勤精進猶
如救頭燃荷負於重擔爲求菩提故常應勤精進不
生懈怠心行大乘者佛如是說發願求佛道重於舉
三千大千世界汝言阿惟越致地是法甚難久乃可
得若有易行道疾得至阿惟越致地者是乃怯弱下
劣之言非是大人志誇之說汝若必欲聞此方便今
當說之佛法有無量門如世間之道有難有易陸道

步行則苦水道乘船則樂菩薩亦如是或有勤行精
進或有以信方便易行疾至阿惟越致者已上此下
偏釋易行相中先舉善德等十方十佛云如是諸世
尊今現在十方若人疾欲至不退轉地者應以恭敬
心執持稱名號若菩薩欲於此身得至阿惟越致地
成阿耨菩提者應當念是十方諸佛稱其名號次下
問云但聞是十佛名號執持在心便得不退阿耨菩
提爲更有余佛餘菩薩名得至阿惟越致耶答曰阿
彌陀等佛及諸大菩薩稱名一心念亦得不退轉更
有阿彌陀等諸佛亦應恭敬禮拜稱其名今得具說

比此下舉世自在王佛等一百餘佛云是諸佛世尊
現在十方清淨世界皆稱名憶念阿彌陀佛本願如
是若人念我稱名自歸即入必定得阿耨菩提次以
三十一行偈廣讚彌陀德次列毗婆尸等七佛次舉
德勝等十一佛次摠舉三世諸佛次舉善意等一百
四十餘菩薩名號為易行道問彼論中舉善性德等一
百三十三佛名善意等一百四十餘及菩薩名號以
稱其名皆屬易行道人師何限行彌陀以為易耶答彼
彌陀章委於餘段是故鸞師捨摠從別偏就彌陀判
易行也諸教所讚在彌陀故深重誓願攝眾生故故

天台道綽等同約彌陀明易行相問彼論易行唯云
不退下云往生如何答解易行品相摠有三義一云
唯要集意彼論易行皆此土得於不退故諸行勝劣
下問往生業中念佛為最勝於餘業中亦為最勝耶
而答初言餘行法中此亦最勝下引觀佛經六譬又
十住論二道云阿彌陀等佛及諸大菩薩稱名一心
念亦得不退轉比明易行者悉於此土直證不退問
彌陀章云若人種善根疑即華不開等又云若人命
終時得生彼國者即具無量德是故我歸命比此約
往生又云阿彌陀佛本願如是若人念我稱名自歸

即入必定得阿耨菩提。此指十八願則應往生。依之鸞師天台戈等師引弥陀章以證往生。若亦何屬此土不退。答於弥陀章正明此土不退。兼明彼土不退。有兩意。故諸人師等或約此土或約往生各據一義。互不相違。問以信方便唯稱佛名如何直得全不退位。答諸佛願行利益難思。何稱念力不得必定。例如凡夫以佛願故入於報土。故十住論第三釋願品云一切去來今佛威力功德智慧無量深法。無差別。但隨諸佛本願。因緣或有壽命無量。或有見者即得必定。聞名者亦得必定。女人見者即成男子身。

若聞名者亦轉女身。或有聞名者即得往生。或有無量光明。衆生遇者離諸障蓋。或以光明即入必定。或以光明滅一切苦惱。此故知以本願故稱名之人直佛不退。云云。餘佛章是此土不退。弥陀章及淨土不退。所以知者鸞綽等師只引一章判往生義。故若存此義。阿弥陀佛本願如是者。指第十八願論言念我稱名。全似稱名往生。願故。三云。弥陀餘佛皆悉往生。若障凡夫以信方便。僅稱佛名。何於此土直得阿鞞跋致。故上舉十佛章。竟問更有餘佛菩薩名得至不退。而以偈答阿弥陀等佛及諸大菩薩稱名一

心念亦得不退轉。既以餘佛同於弥陀。若往生者。餘佛豈不亦哉。一種易行不可分言。有聖道淨土二門。故問十佛章偈云。若人疾欲至不退轉地者。應以恭敬心執持。稱名號。次長行云。若菩薩欲於此身得至阿惟越致地。成阿耨菩提者。應當念是十方諸佛。稱其名號。上既言此身可非往生也。答言此身者指稱名身言。不退者指往生果於其中間。何無見佛往生之義。只是文略。此則對前難行。彰以此身修淨土行。速得往生。終成菩提。如上輩云。欲於今世見無量壽佛。問若言往生得不退者。要集之文云。何會耶。

答云。問如弥陀易行。依本願力。餘佛易行亦依本願。答十佛章偈云。過去無數劫。有佛號海德。是諸現在佛。皆從彼發願。壽命無有量。光明焰無極。國土甚清淨。聞名定作佛。上故知十佛願同弥陀。次上長行云。其佛本願力。故若有他方衆生。於先佛所種諸善根。是佛但以光明觸身。即得無生法忍。若善男子善女人。聞是佛名。能信受者。即不退阿耨菩提。餘九佛事皆亦如是。比十佛依願。餘佛難知。問若皆依願者。論惣舉三世諸佛。諸佛因願種種差別。何同有稱名不退願。若不依願者。怯弱凡夫。不依本願。何得不退。答

雖舉三世捨異從同同屬易行五濁之世於無佛時
者問論文不云滅後釋家何言無佛答難行義滅後
強故探論意約無佛時出五種難也故註十疑論云
五義是智者大師撮彼論意略述難行之事上粗言
五三者只是少分也弘決云略三五字惠心決云少
少也今亦可介五種難相者註十疑意云前四種難
非凡斥小第五一難即斥自力大乘法也上先師云
五種難中前四是別後一是摠謂唯自力無他力故
外道相善亂菩薩法乃至唯自力故顛倒善果能壞
梵行也外道相善者註云其相似善而實非善以邪

亂正上先師云佛法雖有四門皆以無相為所期外
道雖有四見同以有相為所執故云相善也聲聞自
利者二乘專趣自調自度之行全無大慈大悲之願
此人令衆起孤調道也無顧等者註云濁世惡人見
修道者不能成人之美及宣破毀之言顛倒善果者
註云人天之果非無漏善暫樂還苦名為顛倒梵行
淨行也上自他力者自三學力名為自力佛本願力
名為他力也問聖道修行亦諸佛加淨土欣求行自
三業而偏名意如何答聖道行人先行三學為成此
行而請加力故屬自力淨土行人先信佛力為順佛

願而行念佛故屬他力也自強他弱他強自弱思之
可知水陸二道譬意自為三乘自顯也乘佛願力者指第十八
念佛往生願謂若依難行以至住位名為不退若依
淨土以處不退名為正定二種不退淺深雖異不退義同
故論俱稱阿鞞跋致故懷感迦戈義寂憬興等師始
入淨土名正定聚若依此義下言佛力住持者還述
乘佛願力文耳或復乘佛願力者指第十八願佛力
住持者指必至定聚願難行道即是聖道門者聖道
與難行雖有少參差而其大同謂聖道門通大小
終至聖位難行道者偏局大乘只至不退是為少異

言大同者同是自力俱此土行皆期涅槃今約大同
故云意同也天台迦戈同之者且天台十疑文全同
註文迦戈者淨土論下云若自知有定慧分者則於
此方修道求無上菩提若自知無定惠分者則須修
淨土行就淨土中求無上菩提故智度論云行者求
阿鞞跋致有二種道一者難行道二者易行道如水
陸兩路此方修道則難猶如陸路生淨土修道則易
猶如水路也上釋迦啓運者盛應時運今開發故名
為啓運三淨土宗下勸歸淨土中曇鸞法師捨四論
講說者續高僧傳六義解品云未詳其氏鴈門人家近

五臺山神迹靈恠逸于民聽時未志學便往尋焉備
覲遺蹤心神歡悅便即出家內外經籍具陶文理而
於四論佛性弥所窮研續大集經因而註解文言適
半便感氣疾用行醫療本草諸經具明正治心願所
指修習長年神仙方崇佛法為承江南陶隱居大通
中達梁朝帝請講佛性義帝極歎明旦引入大極殿
降階禮接至尋致書通問陶荅曰去月耳聞音聲茲
辰眼受文字將頂禮歲積故使真應來儀乃屈山所
接對欣然便以仙方十卷用酬遠意即辭還魏境逢
中國三藏菩提流支啓曰佛法中頗有長生不死法

勝此土仙經者乎留支唾地曰是何言歟非相比也
此方何處有長生法縱得長年少時不死終更輪迴
三有耳即以觀經授之曰此大仙方也依之修行當
得解脫生死鸞尋頂受所費仙方並火燒之自行化
他流靡弘廣魏主重之號為神鸞焉下勅令住并州
大巖寺脫移住汾州北山石壁玄忠寺時往介山之
陰聚徒業業今號鸞公巖是也魏興和四年因疾卒
于平遙山寺春秋六十有七終日幡花幢蓋高映院
宇以事上聞勅乃葬于汾西秦陵之谷建塔立碑對
病識緣名滿魏都又撰淨土十二偈續龍樹偈後又

撰安樂集兩卷已上略也安樂集云法師常修淨土世俗君子呵曰十方佛國皆為淨土獨意注注西豈非偏見生也法師對曰吾既凡夫智惠淺短未入地位念力須劣如似置草引牛恒須繫心槽檻豈得縱故全無所歸雖復難者紛紛而法師獨決是以一切道俗但與法師下面相遇者若未生正信勸令生信若已生信心者皆勸歸淨土是故法師臨命終時寺傍左右道俗皆見幡花映院盡聞異香音樂迎接遂往生也已上略也淨土論云并州汶水之人也魏末高齊之初猶在神智高遠三國知同洞曉衆經獨步人外梁國天

子蕭王恒向北禮雲鸞菩薩註解天親往生論裁成兩卷撰集無量壽經奉讚七言偈百九十五行并問答一卷流行於世已上百卷論中論十二門論智度論是名四論也法師三論宗故云也道綽禪師閣下槃廣業者師并州晉陽人也前高德大鸞法師三世已下縣孫弟子十四出家宗師遺誥大涅槃部偏所弘傳講二十四遍晚事瓊禪師修涉空理真服神味彌積歲時承昔鸞師淨土諸業便甄簡權實搜敵經論會之通衢布以成化石壁玄忠寺即齊時曇鸞法師之所立也中有鸞碑具陳嘉瑞每常嘆詠鸞法師智

德高遠自去相去十里懸殊尚捨講說修淨土業已見往生况小子所知所解足為多將此為德從大業五年已來即捨講說修淨土行一向專念阿彌陀佛貞觀已來為開悟有緣恒講無量壽觀將二百遍晉陽大原汶水三縣道俗七歲已上普解念阿彌陀佛上精進者用小豆為數念阿彌陀佛得八十石或九十石中精進者五十石下精進者三十石二十五石教諸有緣不向西方涕唾便痢不皆西方坐外撰安樂集兩卷見行於世語善導曰道綽恐不往生願師入定為佛得否善導入定見佛百餘尺云貞觀三年四月

八日鸞於空中告汝淨土業成餘報未盡貞觀十九年歲次乙巳四月二十四日悉與道俗取別至二十七日於玄忠寺壽終時有白雲從西方來變為三道白光於自房中微照通過時年八十有四自續高僧傳淨土論瑞應傳中問大師豈不立捨聖道修淨土之義答亦取意略也問大師豈不立捨聖道修淨土之義答亦也所勸是多謂文義分云隨緣者即皆蒙解脫然眾生障重等般舟讚若待娑婆證法忍六道恒沙劫未期至驗此貪嗔火燒苦不如走入阿彌陀果等瑞應傳云善導云修餘行業迂僻難成准此觀門定超生死上戒珠傳云釋道諛諛王云胡柱切柱古惠切廣內

問善導云吾禪定力即身離三界否導曰聖去世時
淹久禪定易濁無漏難顯雖安心於禪門輒可出牢
獄復問何行易成答曰西方極樂行致像末時甚可
易成釋迦教云無量壽國易行易取而人不能修行
往生比四問曰下明相承中自餘諸宗又各有相承
血脉者三論相承者文殊馬鳴龍樹提婆清辨羅什
智淨吉藏等也法相相承者彌勒無着世親護法戒
賢玄奘慕加惠洽等也今且依道綽善導等問何說
為正答邪正難定但先師云唐宋兩傳似宜問道綽
所傳不可不會答私謂惠籠道場曇鸞三師皆師三

藏答歟然而法門相傳之時前後相付歟今引二例
以為其證一云准佛性論如彼天竺迦葉阿難末田
池迦三人同見釋尊而付法藏三代相承二云日本
叡山修禪寂光慈覺三師皆稟傳教而座主補任三
師前後也

選擇傳弘決疑鈔卷第一

續文獻通考卷一
三十三



